



Pou Piblikasyon Imedya: 11/05/2023

GOUVÈNÈ KATHY HOCHUL

GOUVÈNÈ HOCHUL ANONSE OUVÈTI PWOJÈ LOJMAN SIPÒ 22.8 MILYON DOLA NAN KONTE ERIE

Pwogram Lojman ak Asistans pou Sanzabri Eta a bay 3.6 milyondola pou konplete Angela's House nan Cheektowaga

Reyitilization adaptatif lèl istorik Villa Maria Academy bay 67 apatman pou adilt ki gen plis pase 55 ane, ki gen ladan 21 Inite lojman sipò

Jodi a, Gouvènè Kathy Hochul te anonse ouvèti Angela's House, yon devlopman 22.8 milyon dola ki te transfòme yon lèl istorik Villa Maria Academy ki gen lontan li an somèy an lojman abòdab nan vil Cheektowaga ki nan Konte Erie a. Finanse an pati gras ak Pwogram Lojman ak Asistans pou Sanzabri eta a ki se 3,6 milyon dola, reytilizasyon adaptif ansyen lekòl segondè pou fi a an te kreye 67 apatman abòdab, ki gen ladan yo 21 inite sipò ki pral sèvi pou adilt ki gen plis pase 55 ane k ap fè fas ak sitiyasyon sanzabri.

"Nou dwe asire ke tout Nouyòkè yo gen aksè ak yon kote ki an sekirite, ki abòdab pou yo rele lakay yo - espesyalman moun ki pi vilnerab pami nou yo", **Gouvènè Hochul te deklare.** "Angela's House bay yon nouvo lavi nan Konplèks Villa Maria Motherhouse la epi transfòme yon estrikti istorik ki an somèy depi lontan an kay pou granmoun aje ki konekte yo ak sèvis sipò yo bezwen pou yo pwospere pandan y ap ede adrese yon bezwen pou lojman sipò nan Konte Erie."

Redevlope pa Delta Development of Western New York, Inc. avèk CB-Emmanuel Realty, pwojè a te transfòme estrikti Renesans Gotik ki gen sis etaj la an 55 apatman ki gen yon sèl chanm ak 12 apatman ki gen de chanm. Tout inite yo pral sèvi moun ki touche 60 poustan nan revni medyàn zòn nan oswa mwens, ak 21 inite rezève pou granmoun ki gen 55 ane oswa plis ki te fè eksperyans ak sitiyasyon sanzabri.

Konstwi an 1927 pou abrite yon entèna ak yon lekòl segondè pou Sè Felisyèn St. Francis yo, lèl batiman ki amenaje a se te Villa Maria Academy ki te okipe li nan tan lontan. Konsevwa pa achitèk Polonè Ameriken popilè, Joseph Fronczak, yo te ajoute tout Konplèks Villa Maria Motherhouse la nan Rejis Nasyonal Plas Istorik (National Register of Historic Places) yo apre akademi an te fèmen an 2006.

Finansman pou travay la te enkli 3.6 milyon dola atravè Pwogram Lojman ak Asistans pou Sanzabri a, 3.4 milyon dola atravè Pwogram Opòtinite Lojman Sipò Biwo Renouvèlman Kay ak Kominote (Homes and Community Renewal) Eta New York la, 300,000 dola atravè vil Cheektowaga, epi 60,000 dola ki soti nan Otorite Rechèch ak Devlopman Enèji Eta New York (Energy Research and Development Authority, NYSERDA) la. Anplis de sa, pwojè a resevwa 8.8 milyon dola kòm fon pwòp pou kredi enpo pou lojman moun ak revni fèb yo, 3.4 milyon dola kòm fon pwòp pou istorik kredi enpo federal ak 2.8 milyon dola kòm fon pwòp pou kredi enpo istorik leta. Se Empire State Supportive Housing Initiative k ap founi finansman operasyonèl la atravè Depatman Santeiblik la.

Dirije pa Biwo pou Asistans Tanporè ak pou Moun Andikape (Office of Temporary and Disability Assistance, OTDA) eta a, Pwogram Lojman ak Asistans pou Sanzabri an ap bay sibvansyon ak prè kapital pou kòporasyon san bi likratif yo, òganizasyon charitab ak reliye yo, ak minisipalite yo pou yo ka achte, konstwi, oswa repare lojman pou moun ki pa kapab jwenn lojman ki adekwat san asistans espesyal yo. Yo te bay sibvansyon yo atravè yon pwosesis konpetitif ki te fèt pa Kòporasyon Lojman ak Asistans pou Sanzabri (Homeless Housing and Assistance Corporation, HHAC) Eta New York la, ki se yon kòporasyon avantajiblik ki gen pèsonèl OTDA.

Pwogram Lojman ak Asistans pou Sanzabri a se yon eleman enpòtan nan plan lojman konplè pou senkan 25 milya dola Gouvènè Hochul, ki te adopte kòm yon pati nan bidjè ane fiskal 2023 a epi ki vize kreye oswa prezèv 100,000 kay abòdab atravè Eta New York, sa ki enkli 10,000 ki gen sèvis sipò pou popilasyon vilnerab yo. Bidjè egzekitif ane fiskal 2024 la kontinyè 128 milyon dola nan finansman kapital pou Pwogram Asistans ak Lojman pou Sanzabri a.

Komisè Biwo Eta New York pou Asitans Tanporè ak pou Andikap, Daniel W. Tietz, te deklare, "Tout Nouyòkè yo ta dwe kapab vyeyi nan kominote yo san yo pa bezwen fè fas ak ensekirite lojman oswa sitiayson sanzabri, Angela's House pral bay kay abòdab ak sèvis sipò ki pral pèmèt granmoun aje yo vyeyi ak diyite nan Cheektowaga. Sipò kontinyèl Gouvènè Hochul pou pwojè tankou sa a demontre vrè angajman li pou elaji opsyon lojman nan tout eta nou an, espesyalman pou Nouyòkè ki pi vilnerab pam nou yo."

Komisè Biwo Renouvèlman Kay ak Kominote Eta New York la, RuthAnne Visnauskas, te deklare "Travay k ap selebre jodi a pral bay plizyè douzèn Nouyòkè nan Rejjon Lwès yo yon kay abòdab, ki gen ladan 21 apatman ak sèvis sipò pou fanmi granmoun aje yo ki te fè eksperyans ak sitiayson sanzabri, pandan y ap konsève yon moso remakab nan istwa Cheektowaga pou jenerasyon k ap vini yo. Mèsi Gouvènè Hochul pou angajman li pou elaji aksè ak lojman nan kominote yo atravè New York ak devlopman tankou Angela's House."

Komisè pa Enterim Depatman Sante Eta New York la, Doktè James V. McDonald, te deklare, "Pwogram lojman sipò yo se resous swen sante enpòtan ki ka asire granmoun ki vilnerab yo rete nan kominote yo ak aksè ak sèvis yo. Etid yo te demontre

ke lojman sipò alafwa ogmante estabilite lojman ak amelyore rezulta sante rezidan yo. Envestisman nan lojman tankou sa a kapab tou gen yon enpak pwofon sou depans ak itilizasyon swen sante, tankou diminye sejou lopital pou pasyan ki entène ak vizit nan depatman ijans yo. Mwen rekonesan anpil pou angajman kontinyèl Gouvènè Hochul pou amelyore rezulta swen sante pou Nouyòkè ki an risk yo nan elaji opsyon lojman atravè eta a."

Senatè Eta Tim Kennedy te deklare, "Ouvèti Angela's House se yon egzanp ekselan pou re-oryantasyon yon pati nan istwa Cheektowaga a ak enkòpore li nan avni li. Apatman abòdab sa yo pral bay espwa ak yon espas ki an sekirite pou moun ki fè eksperyans sanzabri, epi souliye angajman kontinyèl New York pou envesti nan opòtinite lojman abòdab nan tout eta a."

Monica Wallace, ki se Manm Asamble, te deklare, "Avèk nouvo etablisman rezidansyèl sa a, nou pral asire ke plizyè douzèn granmoun aje gen yon kay ki an sekirite, ki bay sipò epi pou yo pa janm nan goumen ankò ak sitiyasyon sanzabri. Mwen kontan dèské mwen te kapab sipòte bèl pwojè sa a pou prezève ak reytilez sit istorik Villa Maria Academy kie yo renmen anpil la pou pi byen sèvi kominote nou an. Mwen remèsy Gouvènè Hochul ak Biwo Asistans Tanporè ak Andikap Eta a pou angajman kontinyèl yo pou ede moun ki pi vilnerab yo nan kominote nou an."

Direktè Administratif ak Ko-Pwopriyetè CB-Emmanuel Realty a, Benathan Upshaw, te deklare, "Angela's House reprezante senkyèm gwo devlopman lojman abòdab ak Ajans Biwo Renouvelman Kay ak Kominote Eta New York la nan zòn WNY/Rochester a. Kolaborasyon sa a te lakòz plis pase 85 milyon dola nan envestisman nan kominote yo atravè rejyon an epi sa ki enpòtan an apeprè 400 inite rezidansyèl ki gen kalite siperyè pou popilasyon ki pi vilnerab nou yo, ki gen ladan granmoun aje nan Angela's House."

Sè Judith Marie Kubicki Minis Pwovensyal Sè Felisyèn nan Amerik Dinò, te deklare, "Sè Felisyèn nan Amerik Dinò ak Pwovens Nòtredam lan, ranpli ak rekonesans ak lajwa nan gran ouvèti Angela's House la. Nou fèk fè yon seremoni benediksyon nan Angela's House epi priye pou lye sen sa a bay bon jan kalite lojman ak sèvis pou granmoun nou yo pou anpil ane k ap vini yo."

Direktè Egzekitif Pwovizwa Delta Development of Western New York Ia, James F. Lonergan, te deklare, "Lojman abòdab se yon eleman entegal nan kominote dinamik yo. Pwojè sa a se yon bèl egzanp sou fason efò konbine HCR, patnè nasyonal, rejyonal ak lokal yo ka mete tèt yo ansanm pou gen yon enpak siyifikatif sou kominote nou yo. Fèmen an 2006, ansyen Villa Maria Academy an pral jwenn nouvo lavi ak objektif nan bay bon jan kalite lojman abòdab ak aksesib pou granmoun aje yo atravè rejyon an. Nou rekonesan anvè Sè Felisyèn nan Amerik Dinò ki ban nou opòtinite pou nou kontinye eritaj ak tradisyon yo nan youn nan biling pa yo ke pandan anpil jenerasyon li te ofri anpil bagay nan kominote li te sèvi a."

Dyak Steve Schumer, Prezidan ak Direktè Egzekitif Jeneral Catholic Charities nan Buffalo, te deklare, "Catholic Charities kontan pou l ofri granmoun 55 anE YO oswa plis ki sanzabri kounye a opòtinite pou YO GEN yon sitiyasyon lojman pèmanan nan yon nouvo apatman. Anplis lojman abòdab ki pa gen anpil baryè, apatman sa yo ofri swen sante ak sèvis sipò pou ede moun yo mennen yon lavi ki pi estab."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)